



## COLEGIO ARUBANO

R.K SCHOOL VOOR CICLO BASICO,  
CICLO AVANSA, V.W.O EN H.A.V.O.  
VONDELLAAN 14  
TEL. 5822005 / 5822684 / 5831373 / 5828930  
FAX: 5832676, ARUBA  
E-mail: [info@colegioarubano.aw](mailto:info@colegioarubano.aw)

Na alumnonan di Colegio Arubano y  
Nan mayor(nan)/cuidado(nan)

Oranjestad, 26 di october 2023

### **COLAUA: 2023/2024-047**

Asunto: Rooster CP2 y otro anuncianan

Apreciabel mayor(nan)/cuidador(nan), alumnonan,

Proximamente lo cuminsa e di dos periodo di CP. Esaki lo tuma luga di **dialuna, 13 te cu dialuna, 20 di november 2023**. Alumnonan di e klasnan di examen no tin prueba e periodo aki y lo traha riba nan PWS.

Adhunto e rooster di CP. Tambe lo publica e rooster aki riba nos website

<http://colegioarubano.aw>. Pa e contenido di cada materia di CP consulta e PLTnan cu tambe ta obtenibel riba nos website via [bit.ly/PLTs23-24](http://bit.ly/PLTs23-24).

### **Puntonan di atencion durante CP**

- E intencion ta cu despues di CP tur alumno ta inicia nan studiamiento pa e siguiente dia di CP.
- Durante e periodo di CP/SE, tur regla di scol ta keda valido. Principalmente e reglanan relaciona cu bistimento di uniform.
- Si e alumno ta ausente durante e periodo di CP mester haci lo siguiente:
  - E mayornan ta raporta nan yiu malo prome cu 8:00 am, door di yama scol of door di yena e formulario riba e website: [bit.ly/ziekmal](http://bit.ly/ziekmal)
  - E alumno ta raporta fisicamente na Medwork prome cu 10:00am.
  - Unabes bek na scol, e alumno ta entrega e carta di Medwork na secretariado di scol.
  - Si no tin motibo valido pa ausencia, e alumno ta haya e cifra 1 pa e CP cu e no a traha.

### **Dianan di inhaal di CP**

Esnan cu pa motibo valido no a traha CP durante e siman di CP/SE, por traha e inhaal CP despues di a entrega e carta di Medwork. E dianan di inhaal CP ta para riba e rooster. E inhaal CP ta tuma luga despues di scol. Pa participa na e inhaal CP, e alumno mester ta na scol den dia y a sigui tur su lesnan segun rooster riba e dia di inhaal.

### **Procedura di Medwork**

Medwork ta aplica e siguiente procedura:

1. E alumnonan cu pa motibo di enfermedad ta haya nan stroba di participa na un CP, mester raporta fisicamente e mesun dia, entre 8.00 y 10.00am na Medwork.
2. Bistimento di tapaboca ta opcional, solamente si e alumno no tin sintoma di griep.
3. E costo di e consulta na Medwork ta **Afls. 35.00** y tin cu ta paga door di e alumno of un mayor/cuidado. Tin un mashin di ATM na tur dos locacion, pero por paga cash tambe.
4. Na e cita, e estudiante mester bin cu un ID valido of e carnet di scol.
5. Medwork Caribbean N.V. no lo sumistra niun informacion tocante e alumnonan na tercer persona.
6. Despues di control, e alumno lo haya un declaracion firma di e dokter di Medwork Caribbean N.V, cu a control'e, den unda ta indica si:
  - e alumno pa motibo di e enfermedad por participa na CP of no;
  - e duracion di e malestar.

Medwork su localidadnan ta na Tanki Flip y San Nicolas (Bernhardstraat 101)

### **Siman di PWS y Experiencia Academico pa e klasnan di examen**

E alumnonan di e klasnan di examen no tin examen di scol den e siguiente periodo di CP. Ta spera di nan cu den e periodo ey nan ta traha na nan PWS. Nan por uza e siman ey porehempel pa haci prueba practico di un of mas dia na un compania of pa haci investigacion. Banda di esey e alumnonan ta traha na nan relato. Durante e periodo aki e alumnonan por avansa hopi den direccion di finalisa nan PWS. Di e manera ey por caba e PWS mas tempran, caminda e alumnonan por concentra riba e di dos y di tres periodo di SE. Alumnonan cu ta desea di toch bin scol pa traha por uza entre 7.30 y 14.10 e localnan di PR.

Ademas di traha riba e PWS, ta spera e alumnonan un dia na Universidad di Aruba pa un Experiencia Academico. Mas informacion lo sigui despues.

### **Diamars, 31 di october tin verkorte lessen**

Pa motibo di celebracion di e Congreso Nacional di Educacion di Caribe na Colegio Arubano e lesnan riba diamars, 31 di october lo tin un duracion mas cortico. E rooster di les di e dia ey lo ta como lo siguiente:

- 1<sup>e</sup> ora 7.30 – 8.05
- 2<sup>e</sup> ora 8.05 – 8.40
- 3<sup>e</sup> ora 8.40 – 9.15
- 4<sup>e</sup> ora 9.15 – 9.50
- Pauze 9.50 – 10.20
- 5<sup>e</sup> ora 10.20 – 10.55
- 6<sup>e</sup> ora 10.55 – 11.30
- 7<sup>e</sup> ora 11.30 – 12.05
- 8<sup>e</sup> ora 12.05 – 12.40
- 9<sup>e</sup> ora 12.40 – 13.15

E strafmiddag di e dia ey lo cuminsa pa 13.00 y lo termina pa 14.30.

### **Remediëring di scheikunde**

Un biaha mas ta recorda riba e posibilidad di haya remediëring di e materia scheikunde. Riba dialuna, e alumnonan di examenklas ta bonbini entre 14.15 y 15.15. Di esaki ya ta hacienda bon uzo. E otro alumnonan por haci uzo di e oportunidad aki riba diahuebs, entre 14.15 y 15.15. Te cu awor no a haci uzo ainda di esaki. Docente Kock lo contesta tur pregunta y duna ayudo necesario den PR4.

### **Obhetonan haya**

Cada bes e conciërgenan ta haya mas obheto cu alumnonan a lubida. Ta aprecia masha cu e alumnonan ta entrega obhetonan cu otro alumno a lubida.

Desafortunadamente, no tur doño ta busca nan obheto perdi y door di esaki tin un cantidad grandi di obheto na oficina di conciërge. Particularmente, ta boter di awa ta laga atras. Debi na e cantidad grandi di obheto haya, nos ta obliga di haci un limpieza pronto. Tur e obhetonan, cu awo ta na conciërge lo keda eynan te cu diabierna.

Despues lo deshaci di nan.

For di awe lo tene tur obheto pa dos siman mas y despues lo deshaci di nan.

### **Codigo di vestuario**

Dos aña pasa a revisa e reglanan di bistimento cu tabata existi e tempo ey y a flexibilisa nan considerablemente. E regla actual di bistimento ta den e schoolgids y den e formulario di condicion. Ultimamente nos ta constata cu cada bes tin mas alumno, cu no ta tene nan mes na e reglanan di bistimento. Porehemel cada bes mas nos ta wak mas alumno cu ta bin cu slof scol of cu carson mucho cortico.

Proximamente, nos lo acerca e alumnonan mas frecuente y atende nan riba nan bistimento.

Pa finalisa nos ta desea tur alumno hopi exito cu CP2!

Cu cordial saludo,



T.R. Croes M Ed  
Rector